

24/12/2025



MES 1 25 0001824130

**უმაღლესი საგანმანათლებლო დაწესებულებების ავტორიზაციის საბჭოს
სხდომის ოქმი**

ქ.თბილისი, 10.12.2025

სხდომის დაწყების დრო: 12:00 სთ

დასრულების დრო: 14:03 სთ

საბჭოს თავმჯდომარე: სერგო ჭელიძე

საბჭოს მდივანი: დავით ლეშკაშელი

უმაღლესი საგანმანათლებლო დაწესებულებების ავტორიზაციის საბჭოს სხდომა ჩატარდის დისტანციურად, კომუნიკაციის თანამედროვე ელექტრონული საშუალებების, პროგრამა Zoom-ის გამოყენებით 2025 წლის 10 დეკემბერს.

უმაღლესი საგანმანათლებლო დაწესებულებების ავტორიზაციის საბჭოს სხდომაში მონაწილე ყველა პირმა თანხმობა განაცხადა, რომ დისტანციური ფორმით მიეღო მონაწილეობა საბჭო მუშაობის პროცესში.

სხდომას ესწრებოდნენ:

უმაღლესი საგანმანათლებლო დაწესებულებების ავტორიზაციის საბჭოს (შემდგომში - საბჭო) წევრები:

1. **სერგო ჭელიძე** - შპს „საქართველოს ეროვნული უნივერსიტეტის სეუს“ პროფესორი;
2. **დავით ლეშკაშელი** - სსიპ - საქართველოს ტექნიკური უნივერსიტეტის დოქტორანტი საბჭოს მდივანი;
3. **ნინო ჩინჩალაძე** - ა(ა)იპ - ფონდის საერთაშორისო განათლების ცენტრის აღმასრულებელ დირექტორი;
4. **მამუკა ხუსკივაძე** - სსიპ - ივანე ჯავახიშვილის სახელობის თბილისის სახელმწიფო უნივერსიტეტის ტურიზმის სკოლის დირექტორის მოადგილე, ასოცირებული პროფესორი;
5. **სალომე კუჭუხიძე** - შპს შავი ზღვის საერთაშორისო უნივერსიტეტის სამართლისა და სახელმწიფო მმართველობის სკოლის დეკანი;
6. **ივანე ჯაგოდნიშვილი** - სსიპ - საქართველოს ტექნიკური უნივერსიტეტის საინჟინრო-ეკონომიკის, მედია ტექნოლოგიებისა და სოციალურ მეცნიერებათა ფაკულტეტის დეკანი, პროფესორი;
7. **ლევან მიდოდაშვილი** - სსიპ - გორის სახელმწიფო უნივერსიტეტის ხარისხი უზრუნველყოფის სამსახური ხელმძღვანელი, პროფესორი;
8. **კონსტანტინე სირბილაძე** - სსიპ - აკაკი წერეთლის სახელმწიფო უნივერსიტეტი საინჟინრო-ტექნოლოგიური ფაკულტეტის დეკანი, პროფესორი;
9. **რიმა ბერიაშვილი** - სსიპ - თბილისის სახელმწიფო სამედიცინო უნივერსიტეტი აკადემიური განვითარების და სტრატეგიული დაგეგმვის დეპარტამენტის უფროსი პათოლოგიური ანატომიის დეპარტამენტის ხელმძღვანელი.

სსიპ - განათლების ხარისხის განვითარების ეროვნული ცენტრის (შემდგომში-ცენტრ) წარმომადგენლები:

გვანცა ძიძიგური - უმაღლესი განათლების ხარისხის უზრუნველყოფის სამსახურის მთავარ სპეციალისტი

უმაღლესი საგანმანათლებლო დაწესებულების წარმომადგენლები:

შპს ალტერბრიჯი

ნათია გოცაძე - რექტორი

ირინა ალაპიშვილი - ვიცე რექტორი

სოფიკო სუპატაშვილი - ადმინისტრაციის ხელმძღვანელი

თეა მჭედლო - ხარისხის უზრუნველყოფის სამსახურის წარმომადგენელი

თეა ლორთქიფანიძე - სკოლის დეკანი

ანა წიკლაური - კვლევითი ცენტრის წარმომადგენელი

ანა კობერიძე - საერთაშორისო ურთიერთობის სამსახურის ხელმძღვანელი

ნინო არჯევნიშვილი - იურისტი

ანა გვეტაძე - პროგრამის ხელმძღვანელი

ა(ა)იპ - საქართველოს აგრარული უნივერსიტეტი

ვახტანგ ლეჟავა - რექტორი

ნათია სამუშია - პრორექტორი პროგრამების განვითარების საკითხებში

მარინა ქარჩავა - პრორექტორი სასწავლო პროცესის მართვის საკითხებში

შაკო თავაძე - სტუდენტების დეკანი

ლილე ჩხეტიანი - იურიდიული სამსახურის უფროსი

ლილი ბეგიაშვილი - იურისტი

სოფო კიზივაძე - იურისტი

ანკა თაბუკაშვილი - ხარისხის უზრუნველყოფის სამსახურის უფროსი

მარიამ მოქია - ხარისხის უზრუნველყოფის სამსახურის კოორდინატორი

ვებსტერის უნივერსიტეტი, ინკ.- ის ფილიალი საქართველოში

ემინ ჰაჯიევი - ვიცე-რექტორი

თამთა ცხოვრებაძე - აკადემიური კოორდინატორი

გაგა გვენეტაძე - ხარისხის მენეჯერი

უმაღლესი საგანმანათლებლო დაწესებულებების ავტორიზაციის ექსპერტები:

სოკრატის კატსიკას (Sokratis Katsikas)

თინათინ გაბრიჩიძე

ია ნაცვლიშვილი

ნინო ალაგაძე

ნინო ჯოლია

ეკატერინე ფიფია

საბჭოს სხდომა დისტანციურ რეჟიმში დაიწყო 12:00 საათზე. საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებულ „საგანმანათლებლო დაწესებულებების ავტორიზაციის დებულების“ 74-ე მუხლის მე-4 პუნქტი თანახმად, საბჭოს უხელმძღვანელა საბჭოს თავმჯდომარემ, სერგო ჭელიძემ.

საბჭოს თავმჯდომარემ შეამოწმა სხდომაზე დამსწრე საბჭოს წევრების რაოდენობა და დაადგინა, რომ საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულების“ 74-ე მუხლის მე-5 პუნქტის შესაბამისად, სხდომა უფლებამოსილია, რადგან მას ესწრება საბჭო წევრების სიითი შემადგენლობის ნახევარზე მეტი. საბჭოს თავმჯდომარემ საბჭოს წევრებ მიუთითა დებულების 77-ე მუხლის მე-5 პუნქტის მოთხოვნაზე, რომლის მიხედვითაც, საბჭო წევრი არ არის უფლებამოსილი, თავი შეიკავოს ხმის მიცემისგან.

საბჭოს თავმჯდომარემ საბჭოს წევრებს გაცნო დღის წესრიგი:

1. შპს უნივერსიტეტ ალტერბრიჯის ავტორიზაციის საკითხის განხილვა;
2. უცხოური საწარმოს ფილიალი "ვებსტერის უნივერსიტეტი ინკ." - ის ფილიალთან მიმართებით წარმოდგენილი საჩივრის განხილვა;
3. ა(ა)იპ - საქართველოს აგრარულ უნივერსიტეტთან მიმართებით წარმოდგენილი საჩივრი განხილვა.

შუამდგომლობა დღის წესრიგის ცვლილებასთან დაკავშირებით

- არა

დამტკიცებული დღის წესრიგი:

1. შპს უნივერსიტეტ ალტერბრიჯის ავტორიზაციის საკითხის განხილვა;
2. უცხოური საწარმოს ფილიალი "ვებსტერის უნივერსიტეტი ინკ." - ის ფილიალთან მიმართებით წარმოდგენილი საჩივრის განხილვა;
3. ა(ა)იპ - საქართველოს აგრარულ უნივერსიტეტთან მიმართებით წარმოდგენილი საჩივრი განხილვა.

1. შპს უნივერსიტეტ ალტერბრიჯის ავტორიზაციის საკითხის განხილვა.

საბჭოს თავმჯდომარემ მიმართა დაწესებულების წარმომადგენლებს ხომ არ ჰქონდათ საბჭო წევრების მიმართ აცილება.

საგანმანათლებლო დაწესებულების მიერ საბჭოს წევრ(ებ)ის აცილება

- არა

საბჭოს წევრებს მიმართა, ხომ არ ჰქონდათ განსახილველ საკითხთან მიმართებით თვითაც იღებ და/ან აცილება.

ავტორიზაციის საბჭოს წევრ(ებ)ის თვითაც იღება

- არა

საბჭოს თავმჯდომარემ მიმართა ექსპერტებს დაეფიქსირებინათ თავიანთი მოსაზრებებ განსახილველ საკითხთან მიმართებით.

საერთაშორისო ექსპერტმა სოკრატის კათიკასმა აღნიშნა, რომ ანგარიშის მიხედვით უნივერსიტეტი აკმაყოფილებდა პირველ, მესამე და მეხუთე საკითხებს. მეტნაკლებად აკმაყოფილებდა მეორე და მეოთხე პუნქტებს და ნაწილობრივ - მეექვსესა და მეშვიდეს. დეტალურად გამახვილდა შესაბამისობაზე ყურადღება, კერძოდ ბოლო ორ სტანდარტთან. რა შეეხება მეექვსე სტანდარტს, მიუხედავად იმისა, რომ მეტნაკლებად იყო მცდელობა დაემკვიდრებინა კვლევის არეალი გარკვეულწილად არის თანადადგენილი და გაურკვევლობა. კერძოდ, სტანდარტი 6.1 -თან და 6.2-თან ჯერ კიდევ მთელი რიგი საქმიანობებია ჩასატარებელი აღნიშნული საკითხი მეტწილად უკავშირდება მეოთხე სტანდარტსაც, რომელსაც უნივერსიტეტი მეტწილად აკმაყოფილებს. იმის გათვალისწინებით, რომ უნივერსიტეტს ჰყავს გარკვეული დაქირავებული პერსონალი, რომელიც თავისი ხარისხით აკმაყოფილებს საერთაშორისო მოთხოვნების დადგენილ სტანდარტებს, ამის გათვალისწინებით დაწესებულება თანხვედრაშია სტანდარტთან. რაც შეეხება მეშვიდე სტანდარტს, რომელიც ეხება მატერიალურ და ფინანსურ საკითხებს, უნივერსიტეტს გარკვეული პრობლემები აქვს მატერიალურ და ფინანსურ საკითხებთან დაკავშირებით. უნივერსიტეტი მეტწილად დამოკიდებულია სტუდენტების მიერ გადახდილ გადასახადებზე. მნიშვნელოვან გაუმჯობესებას საჭიროებს საბიბლიოთეკის საკითხებიც. იმის გათვალისწინებით, რომ ახლო მომავალში გეგმავს უნივერსიტეტი სტუდენტების რაოდენობის გაზრდას. ექსპერტმა ჯგუფმა მიიღო გადაწყვეტილება, რომ უნივერსიტეტმა უნდა გააძლიეროს ამ მიმართულებით მუშაობა და მოაგვაროს ეს ლაფსუსები რაც არსებობს.

საბჭოს თავმჯდომარემ მიმართა დაწესებულების წარმომადგენლებს დაეფიქსირებინათ თავიანთ პოზიცია.

ნათია გოცაძემ აღნიშნა, რომ დაწესებულებამ მოითხოვა კვოტის უკან შემცირება და წინ ავტორიზაციის მსგავსად, ითხოვენ კვოტის 400 სტუდენტით განსაზღვრას. ეს არ არის გამოწვეული იმის გამო, რომ დაწესებულებას არ აქვს რესურსი იმისთვის, რომ გაუმკლავდეს ი კვოტას, რაც იყო მოთხოვნილი და არც იმით, რომ არასწორად იყო კონტინგენტი დაგეგმილი. უბრალოდ, როდესაც ექსპერტებმა წარმოადგინეს დასკვნაში, რომ რეგრესია სტუდენტების მიღების ნაწილთან დაკავშირებით, ეს ასე არ არის. ეს პროგრესია, რადგან წინარე ფორმული დაწესებულებას გათვლილი არ ჰქონდა ცვლების და გამტარიანობის საკითხი. შესაბამისად ახლ უნივერსიტეტის რესურსი სრულად აკმაყოფილებს მოცემული სტუდენტების რაოდენობას აქედან გამომდინარე, მეშვიდე სტანდარტის „ნაწილობრივი“ შეფასება დაწესებულებისთვის არის სრულიად მიუღებელი, რადგან მათ გაიარეს გეგმიური მონიტორინგი და მეშვიდე სტანდარტით მიმართებით სრული შესაბამისობა იყო. მას შემდეგ ინფრასტრუქტურა მეტად განვითარდა დაწესებულება აღიჭურვა ახალი ტექნიკით და ინვენტარით. ასევე, დასკვნაში ნახსენები იყო, რომ ყველა წარწერა ინგლისურად უნდა ყოფილიყო, მაგრამ უნივერსიტეტში ყველა წარწერა ასახავს კონცეფციას, ბრენდბუქს და ამ შემთხვევაში ინგლისურენოვანი წარწერების გაკეთება საინტერესოა, თუმცა ეს რეკომენდაციები იყო მოულოდნელი. ალტერბრიჯის შენობა შეიქმნა უნივერსიტეტული საქმიანობისთვის. მიუხედავად იმისა, რომ ინოვაციური განაწილების ცენტრ ეკუთვნის შენობა, არსებობს იჯარის ხელშეკრულება, რომელიც 10 წლის ვადით იყო და შემდეგ მყისიერად განახლდა. რაც შეეხება მესამე-მეოთხე სართულებს, ხელშეკრულების მიხედვით მოთხოვნისთანავე ცენტრი ვალდებულია 6 თვის ვადაში დაუთმოს უნივერსიტეტს ეს სართულები. ექსპერტებს ჰქონდათ შესაძლებლობა დაეთვალიერებინათ მესამე სართული და ენახათ საგამოცდო ცენტრი, საპროფესორო და სხვა აუდიტორიები. ხოლო მეოთხე სართულს ამჟამად არის დაქირავებული და დაწესებულება მიიჩნევს, რომ ეს პრობლემას ამ ეტაპზე არ წარმოადგენს, რადგან ეს შემოსავალი უნივერსიტეტს ხმარდება მთლიანად განვითარებისთვის დასკვნაში აღინიშნა, რომ უნივერსიტეტის შემოსავლის ძირითადი წყაროა სტუდენტები, თუმცა ახალი უნივერსიტეტისთვის, თანაც 400 ქვოტით შემოსავლის საფუძველი ვერ იქნებოდეს სტუდენტი, ამიტომ ადმინისტრაციას იმთავითვე ჰქონდა განსაზღვრული, რომ ფინანსურად უნივერსიტეტს უზრუნველყოფს ინვესტორის მიერ შემოტანილი თანხები, ასევე უზრუნველყოფ

ტრენინგ ცენტრი და ასევე სტუდენტების შემოსავლები, თუმცა ეს უკანასკნელი არასდროს ყოფილა უპირატესი. აქამდე ყველა ღონისძიება დამფუძნებლების დაფინანსებით ხდებოდა: თუმცა ბოლო პერიოდში უნივერსიტეტი ფინანსურად მდგრადია და არ არის დამოკიდებული დამფუძნებლების ფინანსებზე. მეშვიდე სტანდარტთან მიმართებით აუცილებელია იმი აღნიშვნა, რომ კაფეტერია 100 კვ. მ-ზეა თავისი უზარმაზარი ეზოთი. დასკვნაში საუბარი იყო საევაკუაციო გეგმაზე, როდესაც შენობა ექსპლუატაციაში შედის სახანძრო სამსახურ ექსპლუატაციაში არ მიიღებს შენობას თუკი ის შესაბამისი საევაკუაციო გეგმით არ იქნებ წარმოდგენილი, ასე რომ საევაკუაციო გეგმა დამტკიცებულია უფლებამოსილი ორგანოს მიერ დამოკრულია ყველა კედელზე. ამ სტანდარტშივე საუბარი იყო ენობრივ კომპეტენციაზე, ეხებოდა ექიმს და ბიბლიოთეკას. ამ რეკომენდაციას ნაწილობრივ იზიარებს დაწესებულება, თუმცა ალტერბრიჯის გუნდი არის ცოცხალი ქმედითი და მჭიდროდ დაკავშირებული გუნდი, რომელი დიდ დროს უთმობს სტუდენტებთან ურთიერთობას და მათი საჭიროებების მოგვარებას. ამიტომ ჯერ არ ყოფილა სამედიცინო თუ საბიბლიოთეკო კუთხით რაიმე პრობლემა შექმნოდეს უცხოელ სტუდენტს. მეექვსე სტანდარტის შეფასებისას მნიშვნელოვანია ექსპერტების მხრიდან იყო დაფასებული და შეფასებული ის ქმედითი საქმიანობა, რასაც დაწესებულება აკეთებს იმისათვის რომ მხარი დაეჭიროს მსგავსი ტიპის აქტივობებს. იმის გათვალისწინებით, რომ დღე საქართველოში ძალიან რთულია პრაქტიკოსი ლექტორების პოვნა, რომლებიც აკადემიურ საქმიანობის პარალელურად ახორციელებენ კვლევით საქმიანობას. დაწესებულებმა მაქსიმალურად ცდილობს აფილირებულ პერსონალს შეუქმნას ისეთი პირობები, რომ მეტად მოტივირებული იყოს კვლევით საქმიანობაში ჩასართავად. ამისათვის შექმნილია დაფინანსები სისტემა მათთვის, რათა მოტივაცია შეექმნათ სხვადასხვა კვლევით პროექტებში მონაწილეობი მიღებისა. ასევე არის სისტემა, რომლითაც უზრუნველყოფენ შიდა საგრანტო პროცესებს. ამასთან თავდაუზოგავად მუშაობს კვლევითი ცენტრი, რომ ალტერბრიჯი გაერთიანდეს ისეთი ტიპი კონკურსებში, რომლებიც იძლევიან საშუალებას კვლევითი მიმართულების განვითარების: ახლახანს ალტერბრიჯი გაერთიანდა კონსორციუმში, რომელიც აფინანსებს Web of Science-ი შეძენას და წვდომას, ამიტომ პერსონალს ამ მიმართულებით ექნება უწყვეტი წვდომა. ამასთანავე მობილობით მალტის უნივერსიტეტში იქნება 5 ალტერბრიჯის აკადემიური პერსონალი და სამ სტუდენტი. დაწესებულებისთვის კვლევითი საქმიანობის განვითარება არის ერთ-ერთ მნიშვნელოვანი მიზანი. ამასთან დაკავშირებით მუდმივად ხდება ბიუჯეტის გაზრდა: უნივერსიტეტში ძალიან დიდი შრომა იდება ყველა კუთხით როგორც დამსაქმებლის მხრიდან ისე გუნდისა და სტუდენტების მხრიდან.

ექსპერტმა ნინო ალავიძემ აღნიშნა, რომ დაწესებულების პროგრესი ბოლო წლების განმავლობაში ცალსახაა, რაც დოკუმენტაციასა და დასკვნაშიც ასახულია რიგ საკითხებთან მიმართებით დაწესებულება ცალსახად ორიენტირებულია განვითარებაზე, ეს მტკიცებულებებით ადგილზე ვიზიტის დროსაც დადასტურდა და არგუმენტირებული პოზიციითაც, როდესაც დაწესებულება მიგნებების დროს ჯერ კიდევ გამოვლენილი მოსაზრებების მიმართ მიმდებლობა გამოაცხადა და უკვე არგუმენტირებული პოზიციაში მტკიცებულებებით გამყარებული პოზიცია წარმოადგინა: რომ მათ გაითვალისწინეს ექსპერტთა პოზიციები. რაც შეეხება სტუდენტებზე დამოკიდებულ ბიუჯეტთან დაკავშირებით, რეკომენდაციაში ცალსახად ამაზე საუბარი არ არის. ცალსახაა, რომ დაწესებულება წლიდან წლამდე აგრძელებს განვითარებას და ფინანსური ინვესტიციები დამფუძნებლების მხრიდან შედეგების თვალსაზრისით დადასტურებულია. რაც შეეხება შიდა სტანდარტთან რეგრესს, აქ ნაგულისხმევია ის, რომ 2019 წელს განმტკიცებული იყო სტუდენტ კონტინგენტის გათვლის მეთოდოლოგია იქ 1 სტუდენტზე გათვალისწინებული იყო 2 კვ მ, ხოლო 2025 წელს გათვლილია 1,3 კვ მ, შესაბამისად რეგრესში ეს იგულისხმება.

სოფო სუპატაშვილმა აღნიშნა, რომ თუ 2019 წელს საერთო ფართზე სტუდენტზე გათვლილი იყო 4 კვ.მ, ახლა არის 4 კვ.მ თვითონ 1,3 კვ.მ გულისხმობს იმას, რომ ეს არის სამ ცვლაზე გადანაწილებული. შესაბამისად ამ ნაწილში პროგრესია და არა რეგრესი. ასევე, უნივერსიტეტი ყოველთვის ჰქონდა ამოცანად, რომ დამატებითი შემოსავლები გაზრდილიყო. თუ 2022-23 წელს

ამ მიმართულებით შემოსავალი იყო 0, 2023-24 წლებში ეს 8% გაიზარდა და დამფუძნებელი შემოსავალი 2%-მდე დავიდა, ხოლო 2024-25 წლებში 14%-მდე გაიზარდა. შესაბამისად, არ წყდება ეს პროცესი.

საბჭოს თავმჯდომარემ მიმართა საბჭოს წევრებს კითხვების არსებობის შემთხვევაში დაესვა შეკითხვები.

ნინო ჩინჩალაძემ კითხვით მიმართა დაწესებულებას. მას აინტერესებდა თუ ჰქონდა დაგეგმილ დაწესებულებას კონკრეტული პროექტები ან რაიმე სხვა აქტივობები, რომელიც ფინანსურ ზრდა გამოიწვევს.

ანა კობერიძემ განმარტა, რომ დაწესებულება აქტიურად მუშაობს ევროკავშირის მიერ დაფინანსებული სხვადასხვა საერთაშორისო მიმართულებით, მაგალითად ჰორიზონტი ევროპი ფარგლებში საკონსულტაციო შეხვედრებზე უკვე მოწვეული იყვნენ წარმომადგენლები. ასევე, მოპოვებული აქვს დაწესებულებას მნიშვნელოვანი საგრანტო პროექტი, რომელში კონსორციუმის სახით არიან შესულები, რაც გულისხმობს კვლევითი საქმიანობისთვის საჭირო ყველა რესურსის დამატებასა თუ გაძლიერებას.

ირინა ალაპიშვილმა აღნიშნა, რომ უნივერსიტეტი ცოტა ხნის წინ გაწევრიანდა გაეროს ქალთ ორგანიზაციის წევრი, რომელიც შემდგომ აკადემიური მიმართულებით და ორგანიზაციულ განვითარებით შეუწყობს ხელს. ამავდროულად, თბილისის მერიასთან ერთად გერმანიის საერთაშორისო განვითარების პროგრამასთან მუშაობს დაწესებულება ურბანული განვითარები შეთავაზებაზე და ამ პროექტში ალტერბრიჯი იქნება ერთ-ერთი ორგანიზატორი. ბოლო მიმდინარე მოლაპარაკება არის პოლონურ ორგანიზაციასთან, დეველოპერთან, რომელიც არი პროფესიული განვითარების ორგანიზაცია, თუმცა იდეურად დაინტერესებულები არი საქართველოში არაფორმალურის გარდა უკვე ფორმალურში გამოიტანონ მდგრადი განვითარები მიზნები და ალტერბრიჯიც ამის მონაწილე იქნება. ასევე, უნივერსიტეტი არის ერთადერთი რომელსაც აქვს აკრედიტებული ტრენინგები.

სერგო ჭელიძემ დაწესებულებას მიმართა კითხვით 6.1.3 რეკომენდაციასთან დაკავშირებით უნივერსიტეტმა უნდა განავითაროს საერთაშორისო კვლევითი პროექტები და პარტნიორებთან განსაკუთრებული აქცენტით მაღალი ინდექსის მქონე პუბლიკაციის ზრდაზე. ასევე, ეკონომიკური აგენტებთან უნდა ითანამშრომლოს და კვლევითი შედეგების კომპენსაციის შესაძლებლობი ზრდას უნდა შეუწყოს ხელი. მას აინტერესებდა თუ აფინანსებდა უნივერსიტეტი ლექტორები სტატიების დაბეჭდვას ჟურნალებში და თუ არის ბიუჯეტში ცალკე განსაზღვრული რა თანხ დაეთმობა კვლევით პროექტებს.

ანა წიკლაურმა აღნიშნა, რომ უნივერსიტეტს ყველა აკადემიური პერსონალისთვის აქვ გამოყოფილი თანხა, რომელიც გულისხმობს სამეცნიერო კვლევითი პროდუქტიულობის ზრდას ამას უნივერსიტეტი ახორციელებს, როგორც ერთ-ერთ მხარდაჭერის მექანიზმს. გარდა იმისა, რომ არის შიდა საგრანტო პროექტები მუდმივად. ამ საგრანტო პროექტებშიც დინამიკა არის მზარდი რაც შეეხება ინდივიდუალური პერსონალის დაფინანსებას და მხარდაჭერის მექანიზმებს, ე გაწერილი აქვს უნივერსიტეტს და მუდმივად აწვდის პერსონალს ამის შესახებ ინფორმაციას აკადემიურ პერსონალს უფინანსდებათ როგორც სტატიების გამოქვეყნება, ისე საერთაშორისო სამეცნიერო კვლევებში მონაწილეობას. გარდა ამისა ერასმუს +-ის კონსორციუმი არი უნივერსიტეტის ერთ-ერთი მნიშვნელოვანი წარმატება. ამ პროექტის სახელწოდება გულისხმობს იმას, რომ საქართველოს უმაღლესი განათლების დაწესებულებებში უნდა განვითარდეს კვლევის და ინოვაციების შესაძლებლობები. როგორც სხვა საგანმანათლებლო დაწესებულებებში, ისე აქა ნამდვილად სჭირდება გაძლიერება და საერთაშორისო გამოცდილების თვალსაზრისი უნივერსიტეტისთვის ძალიან კარგი შესაძლებლობა იქნება.

სოფო სუპატაშვილმა აღნიშნა, რომ ბიუჯეტის დაგეგმვისას 10-15% ყოველთვის არი გამოყოფილი კვლევითი პროექტებისთვის.

მამუკა ხუსკივაძეს აინტერესებდა რომელი პირადი მიზნების განხორციელებაში აპირებს ჩართვა დაწესებულება.

ირინა აღაპიშვილმა აღნიშნა, რომ ეს იყო მეექვსე მიზანი, მდგრადი ინსტიტუციები და ამაზე მუშაობა უკვე დაწყებულია.

ანა კობერიძემ მდგრადი განვითარების მიზნებთან დაკავშირებით აღნიშნა, რომ მწვანე მიმართულებით არის ზუსტად ის კონცეფცია, რაც ხორციელდება დეველოპერთან ერთად და ეხება ფინანსური რესურსების მართვას. ეს საკითხი გადასულია უკვე პროექტის შემუშავების ეტაპზე, რაც გულისხმობს იმას, რომ CBHB-ის მსგავსი კონცეფციის შექმნა იგეგმება.

ლევან მიდოდაშვილმა კითხვით მიმართა ექსპერტთა ჯგუფს. მას აინტერესებდა შესაძლოა თუ არა გადაიხედოს რომელიმე რეკომენდაცია იმის ფონზე, რომ დაწესებულებამ მოხსნა კონტინგენტის გაზრდის მოთხოვნა.

სოკრატის კათსიკასმა აღნიშნა, რომ მეშვიდე რეკომენდაცია ცალსახად დაკავშირებული სტუდენტების რაოდენობასთან და იმის გათვალისწინებით რომ უნივერსიტეტმა ყარი განაცხად ქვოტის ზრდის მოთხოვნაზე, შესაძლებელია, რომ გადაიხედოს ცალკეული რეკომენდაციები თუმცა მაინც სტუდენტთა რაოდენობის ცვლა მეექვსე სტანდარტთან დიდად არ არის დაკავშირებული.

რიმა ბერიაშვილმა კითხვით მიმართა დაწესებულებას. მას აინტერესებდა რადგან სასწავლო უნივერსიტეტი ხომ უნდა იყოს გათვალისწინებული.

ნათია გოცაძემ აღნიშნა, რომ უნივერსიტეტი თავიდან იყო სასწავლო უნივერსიტეტი და მთელ მისი შინაარსით ახლაც რჩება სასწავლო უნივერსიტეტად. უნივერსიტეტში არ არის სადოქტორო პროგრამები, თუმცა თუ დაწესებულებას არ ეყოლება პრაქტიკოსი აკადემიური პერსონალი და ა პრაქტიკულ უნარებს თუ არ შეისწავლის სტუდენტი ძალიან რთული იქნება მისი შრომი ბაზარზე რეალიზება. შესაბამისად, დაწესებულების მიზანია შრომის ბაზრის რესურსზე მორგებული რესურსის გაზრდა.

დაწესებულების წარმომადგენელმა აღნიშნა, რომ გრანტის ფარგლებში მონაწილეები ქმნიან კურსს, რომელიც საშუალებას აძლევს სამაგისტრო და სადოქტორო კურსების სტუდენტებს პროფესორ-მასწავლებლებს გამოიმუშაონ და გააძლიერონ მათი აკადემიური პოტენციალი. ე არის ერთ-ერთი ინდიკატორი, რომ ალტერბრიჯი გამოხატავს მზაობას, რომ თავის საგანმანათლებლო პოტენციალი დაუკავშიროს კვლევით-სამეცნიერო პოტენციალსაც.

საბჭოს თავმჯდომარემ გამოაცხადა სათათბირო შესვენება

დაწყების დრო: 13:00

დასრულების დრო: 13:08

საბჭოს თავმჯდომარემ კენჭისყრაზე დააყენა: შპს ალტერბრიჯ უნივერსიტეტისთვის 6 წლი ვადით ავტორიზაციის მინიჭების (უნივერსიტეტი) საკითხი, ორ წელში მონიტორინგი განხორციელების პირობით და სტუდენტთა ადგილების სრული ზღვრული რაოდენობის 400-ი განსაზღვრის პირობით.

კენჭისყრის შედეგი:

მ ო მ ხ რ ე :

წინააღმდეგი: 0

გადაწყვეტილება:

„განათლების ხარისხის განვითარების შესახებ“ საქართველოს კანონის მე-11 მუხლის მე-3 პუნქტის „ა“ ქვეპუნქტის, მე-12 მუხლის, „უმადლესი განათლების შესახებ“ საქართველოს კანონი 56² მუხლის მე-3 პუნქტის „ა“ ქვეპუნქტის, 56³ მუხლის, საქართველოს განათლებისა და მეცნიერების მინისტრის 2010 წლის 1 ოქტომბრის №99/ნ ბრძანებით დამტკიცებულ

„საგანმანათლებლო დაწესებულებების ავტორიზაციის დებულების“ 77-ე მუხლის პირველ პუნქტის „ა“ ქვეპუნქტის, 79-ე მუხლის პირველი პუნქტის, მე-3 პუნქტის, მე-4 პუნქტის და მე-5 პუნქტის „გ“ ქვეპუნქტის შესაბამისად, შპს ალტერბრიჯ უნივერსიტეტს (ს/კ: 405284473) მიენიჭო უმაღლესი საგანმანათლებლო დაწესებულების სტატუსი (უნივერსიტეტი) 6 წლის ვადით 2 წლი ვადაში მონიტორინგის განხორციელების პირობით და სტუდენტთა ადგილების სრულ ზღვრული რაოდენობა განესაზღვროს 400-ით.

დაწესებულებას განესაზღვრა შემდეგი რეკომენდაციები:

- რეკომენდებულია, გაიზარდოს დაინტერესებული მხარეების ჩართულობა სტრატეგიულ დაგეგმვის პროცესში;
- რეკომენდებულია, გაუმჯობესდეს სტრატეგიული მიზნების გაზომვადობა;
- რეკომენდებულია, განისაზღვროს შუალედური სამიზნე ნიშნულები მრავალწლიან, ძირითადი შესრულების ინდიკატორებისთვის;
- რეკომენდებულია, ყველა ადმინისტრაციული ერთეულის და მართვის ორგანოები ინფორმირება (მათ შორის სკოლის საბჭოს) მათი სტრუქტურის, ანგარიშვალდებულების და ფუნქციების შესახებ;
- მიუხედავად იმისა, რომ უნივერსიტეტი აცნობიერებს პროგრესზე და ინტერნაციონალიზაციის დონეზე გავლენის მქონე ფაქტორებს, რეკომენდებულია გაძლიერდეს ინტერნაციონალიზაცია უსდ-ს საქმიანობის ყველა მიმართულებით;
- უნივერსიტეტის ეფექტური მართვისთვის, რაც გულისხმობს გადაწყვეტილების მიღების პროცესში პერსონალის წარმომადგენლობით ჩართულობას და დაწესებულების ზრდი ტენდენციის გათვალისწინებას, რეკომენდებულია, გადაიხედოს საბჭოს შემადგენლობა და გადაწყვეტილების მიღების წესი, რაოდენობრივი თვალსაზრისით;
- რეკომენდებულია, უნივერსიტეტმა ხელი შეუწყოს აკადემიური პერსონალის ხარისხი კულტურის ჩამოყალიბებას, რომ დაწესებულების აკადემიურ და ადმინისტრაციულ ფუნქციებს შორის ხარისხის უზრუნველყოფა წარმოადგენდეს საერთო პასუხისმგებლობას;
- ოპერაციების და პროგრამების მზარდი მასშტაბის და მოცულობის გათვალისწინებით რეკომენდებულია, ხარისხის უზრუნველყოფის სამსახურმა დაამატოს სრულ განაკვეთზე მომუშავე თანამშრომლები;
- რეკომენდებულია, მართვის ეფექტურობის შეფასება იძლეოდეს საკმარის საფუძველ ანალიზისთვის;
- რეკომენდებულია, უნივერსიტეტმა უზრუნველყოს ინფორმაციის გავრცელება აკადემიურ კეთილსინდისიერების პოლიტიკის და მექანიზმების შესახებ;
- თითოეულ პროგრამას თან ჰქონდეს დართული პროგრამის სწავლის შედეგების შეფასების გეგმა და სამიზნე ნიშნულების დოკუმენტი, სადაც განსაზღვრული იქნება თითოეულ სწავლის შედეგის სამიზნე ნიშნული იმ კონკრეტული შესასრულებელი დავალები მიხედვით, რომელიც უშუალოდ ზომავს მიღწეულ სწავლის შედეგს;
- რეკომენდებულია, უნივერსიტეტმა სტრატეგიულად გაზარდოს აქტიური კვლევით პროფილის მქონე აფილირებული პერსონალის წილი, რათა გაძლიერდეს უნივერსიტეტი სამეცნიერო პროდუქტიულობა და კვლევითი პოტენციალი;
- რეკომენდებულია, უნივერსიტეტმა გადახედოს აკადემიური პერსონალის საკვალიფიკაციო მოთხოვნებს და სხვადასხვა აკადემიური პოზიციისათვის დააწესოს კვლევით პროდუქტიულობის განსხვავებული მოთხოვნები. ასოცირებული პროფესორისა და პროფესორის პოზიციებზე უნდა დაწესდეს უფრო მაღალი სტანდარტები (მაგ., მეტ პუბლიკაცია, კვლევის ხარისხის ინდიკატორები, სამეცნიერო გავლენის მაჩვენებლები), რათა აკადემიური წინსვლის კრიტერიუმები ასახავდეს როგორც პროფესიულ გამოცდილებას, ის კვლევით მიღწევებს, საერთაშორისო აკადემიური სტანდარტების შესაბამისად;
- რეკომენდებულია სტუდენტებისათვის გრძელვადიანი გაცვლითი პროგრამები შეთავაზება;

- რეკომენდებულია, უნივერსიტეტმა რეგულარულად და თანმიმდევრულად გამოაქვეყნოს საკუთარი სამეცნიერო ჟურნალი, კვლევის შედეგების დისემინაციის გასაძლიერებლად და საერთაშორისო სამეცნიერო ბაზებში ინტეგრირების ხელშეწყობის მიზნით;
- რეკომენდებულია, უნივერსიტეტმა გააძლიეროს პერსონალის ჩართულობა კვლევით საქმიანობაში, რისთვისაც მიზანშეწონილია პერიოდული ვორქშოპების და საინფორმაციო სესიების ორგანიზება ინსტიტუციური კვლევითი პრიორიტეტებისა და ხელმისაწვდომ დაფინანსების შესაძლებლობების შესახებ, რითაც შესაძლებელი იქნება ცნობიერებისა და ჩართულობის ამაღლება;
- რეკომენდებულია, უნივერსიტეტმა განავითაროს საერთაშორისო კვლევითი პროექტები და პარტნიორობები, განსაკუთრებული აქცენტით მაღალი ინდექსის მქონე ჟურნალებში პუბლიკაციების ზრდაზე, ასევე ეკონომიკურ აგენტებთან თანამშრომლობასა და კვლევით შედეგების კომერციალიზაციის შესაძლებლობების ხელშეწყობაზე;
- რეკომენდებულია, უნივერსიტეტმა კიდევ უფრო გააძლიეროს საერთაშორისო კვლევით თანამშრომლობა გლობალურ საგრანტო პროგრამებში მონაწილეობის გაფართოებით და პერსონალისა და სტუდენტების მობილობის სქემების ფორმალიზებით, რა უზრუნველყოფს სისტემურ ჩართულობასა და გაზომვად შედეგებს;
- რეკომენდებულია, უნივერსიტეტმა გააუმჯობესოს კვლევითი ინფრასტრუქტურა და ხილვადობა, საერთაშორისო პროექტების, შედეგებისა და თანამშრომლობების შესახებ ინფორმაციის სისტემური დისემინაციით, ინსტიტუციური პლატფორმებისა და საკომუნიკაციო არხების მეშვეობით;
- რეკომენდებულია, უნივერსიტეტმა რეგულარულად გამოაქვეყნოს კვლევის შეფასებები აგრეგირებული შედეგები, რათა გააძლიეროს გამჭვირვალობა და ხელი შეეწყოს მონაცემებზე დაფუძნებული გადაწყვეტილებების მიღებას;
- რეკომენდებულია, უნივერსიტეტს ფორმალურად ჰქონდეს წვდომა შენობის მესამე და მეოთხე სართულებზე, როგორც ეს განსაზღვრულია იჯარის ხელშეკრულებით, რათ უზრუნველყოს სტუდენტებისა და პერსონალის დაგეგმილი რაოდენობისთვის საკმარის სივრცე და შეძლოს საუნივერსიტეტო ცხოვრების სრულყოფილი განხორციელება;
- რეკომენდებულია, დაწესებულებამ გაზარდოს სასწავლო აუდიტორიების, საგამოცდო ცენტრების, კომპიუტერების, მერხებისა და სკამების რაოდენობა, რათა სათანადოდ დააკმაყოფილოს 1 050 სტუდენტის საჭიროებები;
- რეკომენდებულია, ნამდვილი საერთაშორისო გარემოს ხელშეწყობის მიზნით, კამპუსზე დაემატოს ინგლისურენოვანი ციტატები;
- რეკომენდებულია ევაკუაციის გეგმების დამტკიცება უფლებამოსილი ორგანოს მიერ და მათი წარმოდგენა ინგლისურ ენაზეც, ქართულ ვერსიასთან ერთად;
- რეკომენდებულია, რომ უნივერსიტეტმა ექიმის ინგლისური ენის ცოდნა მინიმუმ B დონემდე გააუმჯობესოს;
- რეკომენდებულია, რომ უნივერსიტეტმა ხელი შეუწყოს ბიბლიოთეკის თანამშრომლები ინგლისური ენის ცოდნის მინიმუმ B1 დონემდე გაუმჯობესებას;
- რეკომენდებულია, რომ „სტუდენტთა კონტინგენტის განსაზღვრის მეთოდოლოგიაში“ დაწესდეს შიდა სამიზნე ნიშნული ერთ სტუდენტზე კომპიუტერების მინიმალურ რაოდენობის განსაზღვრისათვის;
- რეკომენდებულია, ბიბლიოთეკაში ინდივიდუალური და ჯგუფური სამუშაო სივრცეების ასევე კომპიუტერების რაოდენობის ზრდა, რათა ისინი საკმარისი იყოს სტუდენტები მოთხოვნილი და ლექტორთა დაგეგმილი რაოდენობისათვის;
- რეკომენდებულია, პერსონალისთვის გამოიყოს დამოუკიდებელი სამუშაო სივრცე და ცალკე დამუშავების ოთახი კატალოგიზაციისა და ტექნიკური მომსახურებისათვის;

- რეკომენდებულია უნივერსიტეტმა უზრუნველყოს, ვებგვერდზე საერთაშორისო სტუდენტების დაშვების ყველა მოთხოვნის ზუსტი ასახვა იმ სფეროში სადაც მოხსენებული ინფორმაცია დაშვების შესახებ,, მათ შორის ინგლისური ენის ტესტის ნიმუში, დ ინფორმაცია გასაუბრების შესახებ;
- რეკომენდებულია, ხელმისაწვდომი იყოს ლექტორთა აკადემიური პროფილები;
- რეკომენდებულია, დაწესებულებამ გააძლიეროს თავისი გრძელვადიანი ფინანსურ მდგრადობა, შეამციროს დამოკიდებულება როგორც სტუდენტთა რაოდენობის ზრდაზე, ის მფლობელის ფინანსურ მხარდაჭერაზე, და შეიმუშაოს შემოსავლის დივერსიფიცირებულ სტრატეგია, რომელიც მოიცავს გარე გრანტებს, კვლევით დაფინანსებას, პარტნიორობას საკონსულტაციო მომსახურებებსა და დონორთა მოზიდვას;
- 2025–2028 წლების სამოქმედო გეგმაში განისაზღვროს ფინანსური რესურსების ზუსტი მოცულობა, რათა უზრუნველყოფილი იყოს რეალისტური ბიუჯეტირება, შესაძლებელ იყოს საქმიანობების ეფექტიანი პრიორიტეტიზაცია, გაძლიერდეს ფინანსურ ანგარიშვალდებულება და მხარი დაუჭიროს სტრატეგიულ გადაწყვეტილებებს.
- რეკომენდებულია, აუდიტის დასკვნები და ფინანსური ანგარიშები საჯაროდ განთავსდეს უსდ-ის ვებგვერდზე, გამჭვირვალობისა და დაინტერესებული მხარეების წინაშე ანგარიშვალდებულების უზრუნველსაყოფად.

2. უცხოური საწარმოს ფილიალი "ვებსტერის უნივერსიტეტი ინკ." - ის ფილიალთან მიმართები წარმოდგენილი საჩივრის განხილვა.

საბჭოს თავმჯდომარემ მიმართა დაწესებულების წარმომადგენლებს ხომ არ ჰქონდათ საბჭო წევრების მიმართ აცილება.

საგანმანათლებლო დაწესებულების მიერ საბჭოს წევრ(ებ)ის აცილება

• არა

საბჭოს წევრებს მიმართა, ხომ არ ჰქონდათ განსახილველ საკითხთან მიმართებით თვითაცილებ და/ან აცილება.

ავტორიზაციის საბჭოს წევრ(ებ)ის თვითაცილება

• არა

საბჭოს თავმჯდომარემ მიმართა დაწესებულების წარმომადგენლებს დაეფიქსირებინათ თავიანთ პოზიცია.

გაგა გვენეტაძემ აღნიშნა, რომ 2024 წელს კომპიუტერული მეცნიერების საბაკალავრო საგანმანათლებლო პროგრამაზე ჩაირიცხა მხოლოდ 1 აბიტურიენტი, რომელიც სწავლას დღემდე განაგრძობს უწყვეტ რეჟიმში. მას ამ პირობებში არ ჰქონია არანაირი დაბრკოლება. უბრალოდ რადგან სტუდენტი პროგრამაზე იყო ერთი მშობელსა და ადვოკატს სურდათ, რომ ის სხვ სტუდენტებთან ერთად ყოფილიყო ამ პროგრამაზე. უნივერსიტეტი მოკლებულია ი შესაძლებლობას, რომ პროგრამაზე სხვა სტუდენტები ჩარიცხოს მომართვიანობის გარეშე, ამიტო სტუდენტს დაწესებულებამ შესთავაზა სხვა პირობებიც, მაგალითად ის, რომ ცენტრალუ კამპუსში, აშშ-ში გაეგრძელებინა სწავლა სწავლის საფასურის უცვლელად, ასევე შეთავაზებულ იყო სხვა კამპუსში სწავლის გაგრძელებაც, ასევე სტუდენტს განემარტა ისიც, რომ სხვ საგანმანათლებლო დაწესებულებაში შეეძლო გადასვლა, რაზეც სტუდენტს არ გაუკეთები განაცხადი და აგრძელებს სწავლას აღნიშნულ პროგრამაზე დაწესებულებაში. ამასთან, პრეტენზი იყო იმაზეც, რომ სტუდენტმა არ იცოდა წინასწარ მხოლოდ ის რომ იქნებოდა პროგრამაზე, თორე შეცვლიდა უნივერსიტეტს და ამასთან დაკავშირებით განემარტა მას, რომ ეს არც დაწესებულება იცის წინასწარ, აბიტურიენტს შეეძლო ენახა NAEC-ის გვერდზე თუ რამდენს ჰქონდა განაცხადი ა

უნივერსიტეტზე. დაწესებულება სტუდენტთა რაოდენობას მას შემდეგ იგებს, როცა უკვე განაწილებულია უნივერსიტეტებში რაოდენობა.

საბჭოს თავმჯდომარემ მიმართა საბჭოს წევრებს კითხვების არსებობის შემთხვევაში დაესვათ შეკითხვები.

სეგო ჭელიძემ კითხვით მიმართა დაწესებულებას. მას აინტერესებდა თუ სტუდენტ შეუფერხებლად აგრძელებს სწავლას, რამ გამოიწვია საჩივარი.

გაგა გვენეტაძემ აღნიშნა, რომ მომჩივანის ადვოკატი იყო შეცდომაში შეყვანილი, მას პრეტენზი ჰქონდა, რომ რაოდენობა წინასწარ უნდა ცოდნოდა აბიტურიენტს, რათა სხვ უნივერსიტეტისთვის მიენიჭებინა უპირატესობა, თუმცა ეს ყოველივე განემარტა მას ამასთან სტუდენტს ჰქონდა მობილობის შესაძლებლობა, რომელიც არ გამოიყენა.

სალომე კუჭუხიძემ აღნიშნა, რომ სტუდენტს ჰქონდა პრეტენზია, რომ 44 კრედიტი აითვის მხოლოდ ერთი სასწავლო წლის განმავლობაში და ამაზე ჰქონდა აქცენტი.

გაგა გვენეტაძემ აღნიშნა, რომ უნივერსიტეტს აქვს 4 თერმი (სემესტრი შედგება 2 თერმისგან ნაცვლად 2 სემესტრისა, რომელიც იწყება 20 აგვისტოს. რადგანაც პირველსემესტრელებ აგვისტოს ბოლოს ირიცხებიან, პირველ თერმს ვერ ასწრებენ ისინი. ამიტომ პირველ თერმს ისინ იწყებენ ოქტომბერში და წლის განმავლობაში გადიან სამ თერმს. სწორედ ამიტომ დააგროვა 4 კრედიტი, ნაცვლად 60-ისა. ამის ასანაზღაურებლად უნივერსიტეტი სტუდენტს სთავაზობ ზაფხულის სემესტრს და იმ 16 კრედიტის გავლის საშუალება ეძლევა.

თამთა ცხოვრებაძემ აღნიშნა, რომ პირველი წელი ეთმობა გლობალური მოქალაქეობი პროგრამას, რომელიც არის უნიკალური შესაძლებლობა და შესაბამისად პირველი წელი არი გაცნობითი ხასიათის. სწორედ ეს მოდელი იქნა შეთავაზებული ამ სტუდენტისთვისაც, რადგან ე არის აპრობირებული მეთოდი. 4 წლის განმავლობაში სტუდენტი აუცილებლად ფარავს ი კურსებს, რაც პროგრამით არის გათვალისწინებული და შესაბამისად ფასდება მისი აკადემიურ მოსწრებაც.

ნინო ჩინჩალაძემ აღნიშნა, რომ სტუდენტის საჩივართან დაკავშირებით სჭირდებოდა გარკვევა.

თამთა ცხოვრებაძემ აღნიშნა, რომ დაწესებულების მთელ გუნდა მთელი წლის განმავლობაში აქტიური კომუნიკაცია ჰქონდა როგორც სტუდენტის მშობლებთან, ისე ყველა დაინტერესებულ პირთან, რომელიც ჩართული იყო ამ პროცესში. სხვადასხვა ეტაპზე არსებობდა სხვადასხვ მოთხოვნა, რომელზეც დაწესებულებამ წარმოადგინა არგუმენტირებული პოზიცია. ერთ-ერთ მოთხოვნა იყო სხვა კამპუსში სწავლის გაგრძელება, თუმცა იმ პირობებით არა, რომელზე დაწესებულება იყო თანახმა. დამატებითი მოთხოვნა იყო, რომ სრულიად ყოფილიყო დაფინანსებული გამგზავრების, კვების, კამპუსის ხარჯები სტუდენტისათვის დარჩენილ სწავლის პერიოდის მანძილზე, რაზეც, სამწუხაროდ, მოკლებული იყო დაწესებულებ შესაძლებლობას.

საბჭოს თავმჯდომარემ გამოაცხადა სათათბირო შესვენება

დაწყების დრო: 13:26

დასრულების დრო: 13:30

საბჭოს თავმჯდომარემ კენჭისყრაზე დააყენა: უცხოური საწარმოს ფილიალი "ვებსტერი უნივერსიტეტი ინკ." - ის ფილიალთან მიმართებით წარმოდგენილ საჩივართან დაკავშირები დაწყებული ადმინისტრაციული წარმოების შეწყვეტის საკითხი.

კენჭისყრის შედეგი:

მომხრე: 9

წინააღმდეგი: 0

გადაწყვეტილება: ცენტრში უმაღლესი საგანმანათლებლო დაწესებულებების ავტორიზაციის სტანდარტების შესრულებასთან დაკავშირებით წარდგენილი საჩივრის, დაწესებულების მიერ წარმოდგენილ განცხადებაში ასახული ინფორმაციის, და უმაღლესი საგანმანათლებლო დაწესებულებების ავტორიზაციის საბჭოს 2025 წლის 10 დეკემბრის სხდომაზე დაინტერესებულ მხარეების მიერ დაფიქსირებული პოზიციის შესწავლის, შეფასებისა და ურთიერთშეჯერები საფუძველზე, საქართველოს განათლებისა და მეცნიერების მინისტრის 2010 წლის 1 ოქტომბრი №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ 88-ე მუხლის მე-5 და მე-8 პუნქტი შესაბამისად, შეწყდეს უცხოური საწარმოს ფილიალი "ვებსტერის უნივერსიტეტი ინკ." - ი ფილიალთან მიმართებით წარმოდგენილ საჩივართან დაკავშირებით დაწყებულ ადმინისტრაციული წარმოება.

მიეცეს რჩევა ორივე მხარეს. უნივერსიტეტმა უნდა უზრუნველყოს სწავლის სრულად რეალიზება. შესაბამისად სტუდენტს უნდა ჰქონდეს შესაძლებლობა, რომ აითვისოს სასწავლო პროგრამის გათვალისწინებული არჩევითი და სავალდებულო სასწავლო კურსები. ხოლო სტუდენტმა უნდა გამოიყენოს მისთვის მინიჭებული მობილობის უფლება, რაც ამ ეტაპზე სრულიად შესაძლებელია.

3. ა(ა)იპ - საქართველოს აგრარულ უნივერსიტეტთან მიმართებით წარმოდგენილი საჩივრი განხილვა.

საბჭოს თავმჯდომარემ მიმართა დაწესებულების წარმომადგენლებს ხომ არ ჰქონდათ საბჭო წევრების მიმართ აცილება.

საგანმანათლებლო დაწესებულების მიერ საბჭოს წევრ(ებ)ის აცილება

• არა

საბჭოს წევრებს მიმართა, ხომ არ ჰქონდათ განსახილველ საკითხთან მიმართებით თვითაცილებ და/ან აცილება.

ავტორიზაციის საბჭოს წევრ(ებ)ის თვითაცილება

• არა

საბჭოს თავმჯდომარემ მიმართა ექსპერტებს დაეფიქსირებინათ თავიანთი მოსაზრებებ განსახილველ საკითხთან მიმართებით.

მომჩივანის ადვოკატმა აღნიშნა, რომ 2022 წელს, როდესაც გამოცდის დროს მოხდა სტუდენტებ შორის გადალაპარაკება, ამის გამო, ერთ სტუდენტს შეეფარდა გაფრთხილება, ხოლო მეორეს რომელიც იწერდა, სტატუსის შეწყვეტა. ამის გამო მომჩივანმა მიმართა სასამართლოს, რომელმაც მისი სურვილები სრულად დააკმაყოფილა და მიუთითა დაწესებულებას, რომ მათ გადაწყვეტილება იყო არათანაზომიერი და დაავალა უნივერსიტეტს, რომ დადგენილ ვადებში ემოქმედა. უნივერსიტეტმა ეს გადაწყვეტილება არ გაასაჩივრა და მომდევნო საბჭოს სხდომაზე არათუ განიხილა, არამედ საბჭოს წევრებს ინფორმაციაც არ ჰქონდათ ამის შესახებ. ამის შემდეგ დაწესებულება ითხოვდა ბოდიშის მოხდას და კვლავ ედავებოდა ამ საკითხში, რაც კვლავ გაასაჩივრა მომჩივანმა მხარემ და საბოლოოდ სასამართლომ სრულად დააკმაყოფილა სტუდენტი მოთხოვნა. მათ მიმართეს უნივერსიტეტს, რომელმაც უარი განაცხადა დიპლომის გაცემაზე და რომ არა სახალხო დამცველის მიერ მიღებული რეკომენდაცია, უნივერსიტეტი არცერთ შემთხვევაში არ აპირებდა დიპლომის გაცემას.

ვახტანგ ლეჟავამ აღნიშნა, რომ აკადემიური არაკეთილსინდისიერების გარდა სტუდენტს, რა დასტურდება დოკუმენტურად, ასევე დაუმორჩილებლობა და საგამოცდო ცენტრში არეულობა ედება ბრალად. აგრარული უნივერსიტეტის ეთიკის მიხედვით აკადემიურ

არაკეთილსინდისიერების დახმარება და ამის მოთხოვნა არის სხვადასხვა საკითხი. ამიტომ აორი სტუდენტის შედარება არის არასწორი. სასამართლო დავა მიმდინარეობდა სამი წლი მანძილზე და როგორც კი ის დავა დასრულდა უნივერსიტეტმა შეასრულა დაკისრებულ ვალდებულება. აკადემიური ხარისხი ემყარება იმას, რომ დადასტურდეს ამ ადამიანი აკადემიური ცოდნა, თუ ეს ხდება გადაწერის ხარჯზე ეს დიპლომები არის ყალბი.

ლილი ბეგიაშვილმა აღნიშნა, რომ სტუდენტი გარიცხული იქნა სამი მიზეზის გამო. პირველი, მა მოუხმო სხვა სტუდენტს და ჩაითრია ამაში, მეორე, გადაიწერა, ანუ შეცვალა თავისი ნაშრომი დ ამის დამადასტურებელი დოკუმენტაციაც. სამწუხაროდ, პირველმა სასამართლომ არსებითად საქმე არ განიხილა. ერთი მხრივ უზრუნველყოფის ღონისძიება გამოიყენა და აღადგინ სტუდენტი ისე, რომ საქმის განხილვა არ ჩანიშნა და შემდეგ ისე გავიდა სამი წელი, რო არასდროს არ დაინიშნა პირველი ინსტანციის სხდომა და მან ხელახლა საკითხის შესწავლ დაავალა დაწესებულებას. ამასთან, სახალხო დამცველმა იმიტომ მისცა უფლება დაწესებულება გაეცათ დიპლომი, რომ სტუდენტს უკვე შესრულებული ჰქონდა 240 კრედიტი. მეორ სასამართლოს დროსაც სტუდენტს უკვე შესრულებული ჰქონდა 240 კრედიტი, რაც არი გადაულახავი საკანონმდებლო ბარიერი ყველა ინსტანციისთვის.

ადვოკატმა აღნიშნა, რომ სასამართლომ ორივე ჯერზე დაადგინა, რომ მას ჰქონდა მხოლოდ კარნახი და არა პლაგიატი ან რაიმე ეთიკის ნორმის დარღვევა. უბრალოდ უნივერსიტეტს ისე აქვ ეთიკის ნორმები გაწერილი, რომ ნებისმიერ საკითხზე შეიძლება სტუდენტს მოედავოს ამაზე.

საბჭოს თავმჯდომარემ მიმართა დაწესებულების წარმომადგენლებს დაეფიქსირებინათ თავიანთ პოზიცია.

ვახტანგ ლეჟავამ აღნიშნა, რომ 4 წლის წინ 2022 წლის 18 იანვარს საგამოცდო ცენტრში დაფიქსირდა უნივერსიტეტის კოდექსის დარღვევა, კერძოდ სტუდენტი სარგებლობდ თანაკურსელის დახმარებით გამოცდის დაწერის დროს, რაც დადასტურებულია ყველ ფაქტობრივი გარემოებით, მათ შორის საგამოცდო ცენტრში დამონტაჟებული კომპიუტერები სქრინშოტებით, რომლებიც დაახლოებით 20 წამში აღრიცხავს და აარქივებს სტუდენტი მოქმედებას. ეს დასტურდება თანაკურსელის მიერაც. ეს დარღვევა შეამჩნია საგამოცდო ცენტრი თანამშრომელმა და სტუდენტი მოხსნა გამოცდიდან, რასაც არ დაემორჩილა სტუდენტი. საჭირო გახდა სტუდენტური ოფისიდან თანამშრომლის მოწვევა. ამ საკითხის ეთიკურ საბჭოსთა განხილვისას გადაწყდა, რომ ას სტუდენტის ქმედება უნივერსიტეტის ეთიკისთვი შეუთავსებელია და სტუდენტი იქნა გარიცხული. ამის შემდეგ გასაჩივრებულ იქნა აღნიშნულ საკითხი და სასამართლომ უზრუნველყოფის ღონისძიების სახით დაწესებულებას სტუდენტი აღდგენა დაავალა და უნივერსიტეტმა კეთილსინდისიერად შეასრულა თავისი მოვალეობა: აღადგინა სტუდენტი და მას სრული შესაძლებლობა ჰქონდა, რომ სრულფასოვნად მიეღ განათლება და ის მომსახურება, რომელსაც დაწესებულება სთავაზობს სხვა სტუდენტებს ამავდროულად მიმდინარეობს დავა, წელს სტუდენტმა შეასრულა 240 კრედიტი, რაც ბიზნე ადმინისტრირების პროგრამისთვის იყო საჭირო, თუმცა შიდა რეგლამენტის მიხედვით კვალიფიკაციის მიმნიჭებელი საბჭო ვერ იღებს გადაწყვეტილებას სტუდენტისთვის მატარებელ კვალიფიკაციის მინიჭებაზე თუ კი მიმდინარეობს დავა, რომელიც შეიძლება მოიცავდეს აკადემიურ საკითხებს. 21-22 ნოემბერს სასამართლომ მიიღო გადაწყვეტილება, რომ აკადემიურ საკითხები, რომელიც ბარიერი იქნებოდა კვალიფიკაციის მიმნიჭებელი საბჭოსთვის კვალიფიკაციის მინიჭებაზე რეკომენდაციის გასაცემად, მოიხსნა. 5 დეკემბერს შეიკრიბ საკვალიფიკაციო საბჭო, გაიცა შესაბამისი დიპლომი და 8 დეკემბერს ჩაბარდა ეს დიპლომი სტუდენტს.

საბჭოს თავმჯდომარემ გამოაცხადა სათათბირო შესვენება

დაწყების დრო: 13:57

დასრულების დრო: 14:02

საბჭოს თავმჯდომარემ კენჭისყრაზე დააყენა: ა(ა)იპ - საქართველოს აგრარულ უნივერსიტეტთან მიმართებით წარმოდგენილ საჩივართან დაკავშირებით დაწყებული ადმინისტრაციული წარმოების შეწყვეტის საკითხი

კენჭისყრის შედეგი:

მომხრე: 9

წინააღმდეგი: 0

გადაწყვეტილება: ცენტრში უმაღლესი საგანმანათლებლო დაწესებულებების ავტორიზაციის სტანდარტების შესრულებასთან დაკავშირებით წარდგენილი საჩივრის, დაწესებულების მიერ წარმოდგენილ განცხადებაში ასახული ინფორმაციის, და უმაღლესი საგანმანათლებლო დაწესებულებების ავტორიზაციის საბჭოს 2025 წლის 10 დეკემბრის სხდომაზე დაინტერესებულ მხარეების მიერ დაფიქსირებული პოზიციის შესწავლის, შეფასებისა და ურთიერთშეჯერების საფუძველზე, საქართველოს განათლებისა და მეცნიერების მინისტრის 2010 წლის 1 ოქტომბრი №99/ნ ბრძანებით დამტკიცებული „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ 88-ე მუხლის მე-5 და მე-8 პუნქტი შესაბამისად, შეწყდეს ა(ა)იპ - საქართველოს აგრარულ უნივერსიტეტთან მიმართებით წარმოდგენილ საჩივართან დაკავშირებით დაწყებული ადმინისტრაციული წარმოება.

დამტკიცებული დღის წესრიგით გათვალისწინებული ყველა საკითხის განხილვი შემდეგ, საბჭო სხდომა დასრულდა 2025 წლის 10 დეკემბრის 14:03 საათზე.

ავტორიზაციის საბჭო
საბჭოს მდივანი
ლემკაშელი დავითი



უმაღლესი საგანმანათლებლო დაწესებულებების
ავტორიზაციის საბჭო
საბჭოს სხდომის თავმჯდომარე
ჭელიძე სერგო

